



## UN VISITA AL MEDIE ESTATE

**Le narrator:** *In multe paisas on celebra le medie estate – le puncto del anno quando le die es le plus longe ... o le nocte le plus curte de tote le anno. In le lucide nocte estive on se assembla circum un grande foco, si le tempore lo permette, e il non ha pluvia. Nostre tres amicos ha vadite pro celebrar le medie estate.*

**Anna:** Isto es un momento magic. Ante un medie anno il esseva obscur durante le majoritate del die. Ora il es lucide tote le nocte.

**Petro:** Si, le sol non dispare jammais. On sempre vide un poco de lumine in le horizonte, mesmo quando le nocte es le plus progredite.

**Paulo:** In le dies ancian, multes credeva que herbas colligite al vespere del medie estate contineva un fortia special, e que le aqua in le fontes sancte poteva curar. Pro isto homines malade peregrinava a iste fontes, bibeva del aqua e dormiva la durante le nocte curte.

**Anna:** Como io diceva: Le nocte es magic!

**Petro:** In plure manieras, de facto. In certe paisas on accende le grande foco, circum le qual on se assembla, ma il ha un maga al summitate del brancas e ramos.

**Anna:** Un maga? Esque on arde un maga??

**Paulo:** Sia calme, Anna. Illa non es un ver maga. Es un figura de un maga. Illa es le symbolo que le mal debe disparer. On dice que le magas dispare pro volar sur lor scopas de maga a un grande festa magic.

**Petro:** Ma al mesme tempore le focos debe assecurar que le magas non atterra durante lor viage. Pro isto le focos sovente esseva accendite sur collinas, assi que le flammas las impedi atterrar.

**Anna:** On lo comprende – como io ha justo comprendite proque on dice “magic”.



Isto es qualcosa con magas, naturalmente.

**Petro:** Si, a vices le lingua es pur magia! Ha ha!

**Le narrator:** *Il es ora tempore pro accender le foco.*

**Paulo:** Vide, ora on accende le foco.

**Petro:** Attention al brasas que pote cader, quando le flammas deflagra.

**Anna:** On pote ja sentir le calor del foco. Isto es agradabile.

**Paulo:** On anque pote olfacer le fumo! Huh, io crede que nos debe baniar nos e lavar nostre vestimentos deman pro assecurar que le odor de fumo dispare.

**Anna:** Non te preoccupa de isto ora, Paulo, gaude in vice del momento e regarda le belle colores rubie, jalne e orange del flammas con le celo blau in fundo. Isto es phantastic.

**Petro:** In alcun maniera il es anque triste, nam quando nos ha ora le medie estate, isto significa que nos va verso autumnno e hiberno.

**Paulo:** Si, in effecto le dies va ora devenir



sempre plus curte – non multo, solmente un o duo minutas per die. Isto on non nota in le initio, ma post un mense o un mense e medie il deveni clar que le die con le horas lucide non plus es si longe como illo ha essite.

**Petro:** Ma isto es ancora un ration pro gauder del momento e celebrar le medie estate. Io ha legite que in Svedia on lo celebra vermente. Illo es un die official quando on displica le bandiera. Desde 1953 le vespere del medie estate sempre – e secundo le lege – ha essite fixate a un venerdi inter le 19 e le 25 de junio, assi que on pote festar sin pensar que on debe ir a labor le matino sequente.

**Anna:** Isto es vermente multo practic.

**Petro:** Si, e alora le svedeses usa le fin de septimana – con sabbato como le die del medie estate – pro mangiar un repasto special pro celebrar le evento.

**Anna:** Io ama tal traditiones – como io ama star ci presso le foco in bon compania con bon amicos e un multitudine de altere personas que io non cognosce. Illes omnes sembla haber un tempore agradabile e pacific.

**Paulo:** E illes non es sol. Vide la in alto!

**Petro:** Ubi?

**Paulo:** La, al summitate del grande arbore.

**Anna:** Io quasi non pote vider lo post haber regardate le lumine ab le flammis.

**Paulo:** Ma audi alora!

**Petro:** Oh, un ave que canta!

**Paulo:** Si, isto es le merla, un ave totalmente nigre con un becco orange. Illo sempre arriva durante le estate, quando le sol se pone – de facto quando illo ja ha disparite assatis multo. Alora illo trova un loco al summitate de un arbore e sede silentemente e canta su belle cantos.

Audi!

**Anna:** Isto es magic! Isto face le gente esser de bon humor.



**Petro:** Ma audi, il ha plus!

**Anna:** Que? Que audi tu, Petro?

**Petro:** Sia silente un momento e vade silentemente alcun passos in mi direction. Pote vos audir qualcosa ora?

**Paulo:** Io pote audir un ruito legier.

**Anna:** Si, illo veni del folios sub le arbores.

**Petro:** Si, shhhhh. Si vos non vos move e non face ruito mesme, io es secur que nos tosto va vider, qui face iste ruito legier. De facto, vos va vider ora, qui sorbe con le naso e produce iste sonos.



**Anna:** Ma isto es un ericio! Oh, como illo es belle e suave.

**Paulo:** Ancora un exemplo del magia del medie estate!

**Petro e Anna:** Ha ha!

UN VISITA AL MEDIE ESTATE



❶ Le belle photo monstra le foco del medie estate. Describe que tu vide, per favor (personas, cosas, le paisage etc.), e que occorre.

---



---




---



---

❷ Ecce un maga volante. Que es que sur le designo?

- \_\_\_ scopa de maga
- \_\_\_ capillos longe
- \_\_\_ catto
- \_\_\_ caldiera del maga
- \_\_\_ cappello longe
- \_\_\_ longe naso
- \_\_\_ longe digitos





## UN VISITA AL MEDIE ESTATE

3 Insele le bon parola: fontes • colligeva • reguarda • scopa • olfacer • maladies • longe

Al medie estate le die es le plus \_\_\_\_\_ del anno. Si on \_\_\_\_\_ verso le celo, il es forsan possibile vider magas qui vola sur lor \_\_\_\_\_. In le dies ancian on \_\_\_\_\_ herbas e credeva que le aqua del \_\_\_\_\_ sancte poteva curar \_\_\_\_\_. Pote tu \_\_\_\_\_ le fumo?

4 **QUI ES IO?**

• Io non es un homine, ma totevia io ha gambas. Io non ama le lumine, dunque io sovente attende usque le vespere, ante que io me evelia e deveni active. Io me move lentamente e ha un bon naso, assi que io pote olfacer ubi io pote trovar mi mangiar. Io non produce sonos como un ave o un catto. Mi corpore pote cambiar a in le forma de un balla, si io subito ha pavor. Io ha un effective defensa que io sempre apporta con me. Il se tracta de chetas – longe pinas que io pote elevar, si alguno me menacia. Qui es io?



5 Associa cata parola con un expression o un synonymo.

- |  |  |
|--|--|
| 1. <input type="checkbox"/> maga       | A. retornar al solo                                  |
| 2. <input type="checkbox"/> olfacer    | B. parve branca tenue, le plus ulterior de un arbore |
| 3. <input type="checkbox"/> atterrar   | C. le die post jovedi                                |
| 4. <input type="checkbox"/> summitate  | D. le opposite de obscur                             |
| 5. <input type="checkbox"/> brasa      | E. persona con facultates supernatural               |
| 6. <input type="checkbox"/> peregrinar | F. utensile que on normalmente usa pro nettar        |
| 7. <input type="checkbox"/> venerdi    | G. le puncto le plus alte                            |
| 8. <input type="checkbox"/> lucide     | H. crear flammis                                     |
| 9. <input type="checkbox"/> becco      | I. sentir con su naso                                |
| 10. <input type="checkbox"/> sabbato   | J. pecias de ligno o papiro ardente                  |
| 11. <input type="checkbox"/> ramo      | K. ir in grande numero a un loco popular             |
| 12. <input type="checkbox"/> scopa     | L. un sono alte e non placente                       |
| 13. <input type="checkbox"/> merla     | M. le bucca de un ave                                |
| 14. <input type="checkbox"/> ruito     | N. un ave nigre que canta bellemente                 |
| 15. <input type="checkbox"/> accender  | O. le die ante dominica                              |

6 Pote tu trovar le parolas celate? Directiones possibile: → ↑ ↓ ← ↗ ↘ ↙ ↖

accende • brasas • cantos • ericio • estive • flammis • foco • fontes • herbas • longissime • lucide • maga • magia • mangiar • merla • noctes • obscur • sol • solstitio

C A G A M O E L O N O I T I T S L O S M P P K M R D I Y C K L E D N E C C A Y S  
Z A O O E P Z U O C Q F L A M M A S E E D N Z A U E R I C I O L R G A S Z D A X  
M A N G I A R C J E O A V Y U L Y R Q R T G T G C L O N G I S S I M E X T S B T  
H J O T R N T I A W F F W J A M L B Y Y C N H I S D A E K D E H O J Y C A I A R  
C S H L O E C D S A B R E H X A L L I X N A O A B C C R V F K Y K O L R U G V F  
L O C K S S R E J L I E D H N R Y F X N R M B F O H R T S I Z S F R B Q F U D E

Resposas: 2. D G F B A C E - 3. longe - reguarda - scopa -  
colligeva - fontes - maladies - olfacer - 4. Un ericio. - 5. I E Z I  
3A 4G 5J 6K 7C 8D 9M 10O 11B 12F 13N 14L 15H